



ეს ნალკაა

ადგილობრივი ლიდერები მდგრადი განვითარებისათვის
ნალკის მრავალეთნიკურ მუნიციპალიტეტში

საგრანტო სახელმძღვანელო

დოკუმენტი მომზადდა კავკასიის გარემოსდაცვითი არასამთავრობო
ორგანიზაციების ქსელის (CENN) მიერ. დოკუმენტი განახლდება, მთლიანად ან
ნაწილობრივ, საჭიროების შემთხვევაში.

2021 წელი



შინაარსი

1. პროგრამის შესახებ.....	3
2. საინფორმაციო კამპანია.....	4
3. კონკურსში მონაწილეობა.....	4
4. საგრანტო დაფინანსების შესაძლებლობა და ოდენობა.....	5
5. კონკურსის ეტაპები, ვადები და განაცხადების შერჩევა/შეფასება.....	8
6. განაცხადების ფინანსურ-ადმინისტრაციული შემოწმება, შერჩევის და შეფასების პროცესი.....	10
a. ფინანსურ-ადმინისტრაციული შემოწმება	10
b. შეფასების პროცესი.....	10
7. განაცხადებისა და საჩივრების კომისია.....	12
8. ინტერესთა კონფლიქტი, ხელშეკრულება და შესყიდვები.....	12
9. მონიტორინგი, განხილვა და შეფასება	12



1. პროექტის შესახებ

‘ადგილობრივი ლიდერები მდგრადი განვითარებისათვის წალკის მრავალეთნიკურ მუნიციპალიტეტში’ პროექტის მიზანია მუნიციპალიტეტში სიღარიბის დონის შემცირება და მოსახლეობის საცხოვრებელი გარემოს გაუმჯობესება, იქ არსებული ეკონომიკური, სოციალური და გარემოსდაცვითი გამოწვევების გადაჭრა სოფლის მეურნეობის კონკურენტუნარიანობის გაზრდით, ბუნებრივი რესურსების მდგრადი მართვითა და კლიმატისადმი მედეგი სოფლის ეკონომიკის მხარდაჭერით. ამასთან, ცოდნაზე, ინოვაციებსა და ახალ ტექნოლოგიებზე ხელმისაწვდომის უზრუნველყოფით, ბიზნეს კავშირების დამყარებითა და სამუშაო ადგილების შექმნის გზით, პროექტი გააძლიერებს საოჯახო მეურნეობებს, მენარმეებს, ქალებს, ახალგაზრდებსა და სხვა ადგილობრივ ჯგუფებს.

პროექტს ახორციელებს CENN პარტნიორ ორგანიზაციებთან ერთად:

- [საქართველოს ფერმერთა ასოციაცია \(GFA\) \(საქართველო\)](#)
- [სოფლის განვითარების კვლევითი ინსტიტუტი \(IfIs\) \(გერმანია\)](#)

აღნიშნული პროექტის ფარგლებში, CENN პარტნიორ ორგანიზაციებთან და პროექტის ფარგლებში ჩამოყალიბებულ ადგილობრივი განვითარების ჯგუფთან (LAG) ერთად, გამოაცხადებს საგრანტო კონკურსებს. გამოცხადებულ კონკურსზე ინფორმაციის მიღება შესაძლებელი იქნება ვებგვერდიდან: www.tsalkalag.ge

საგრანტო კონკურსის მიზანი

საგრანტო კონკურსის მიზანია, პროექტის ძირითადი მიზნებისა და ადგილობრივი განვითარების სტრატეგიის პრიორიტეტების შესაბამისად, წალკის ადგილობრივი თემების კეთილდღეობის და სოციალურ-ეკონომიკური მდგომარეობის გაუმჯობესება; სოფლად ეკონომიკური ალტერნატივების შექმნა და განვითარებაზე ორიენტირებული ინოვაციური პროექტების განხორციელება.

ადგილობრივი განვითარების სტრატეგიის პრიორიტეტული მიმართულებებია:

- სოფლის მეურნეობა (რეგიონალურ ღირებულებათა ჯაჭვის განვითარება);
- ტურიზმის განვითარება;
- არასასოფლოსამეურნეო საქმიანობების ხელშეწყობა;
- გარემოს დაცვა და ბუნებრივი რესურსების მართვა;
- განათლება, კულტურა, სპორტი და ახალგაზრდები;
- ჯანდაცვა და სოციალური საკითხები;
- გენდერული თანასწორობა და ქალთა ინტეგრაცია.



2. საინფორმაციო კამპანია

საგრანტო კონკურსის გამოცხადებისთანავე წალკის ადგილობრივი განვითარების ჯგუფი (LAG), CENN და საქართველოს ფერმერთა ასოციაცია (GFA) საგრანტო კონკურსის შესახებ ინფორმაციის მაქსიმალურად გავრცელების მიზნით იწყებს საინფორმაციო კამპანიას. საინფორმაციო კამპანია წარიმართება წალკის ადმინისტრაციულ ერთეულებში მოსახლეობასთან უშუალო შეხვედრების მიზნით, წინასწარ შემუშავებული განრიგის შესაბამისად. შეხვედრის მიზანია წალკის მუნიციპალიტეტის ადგილობრივი განვითარების სტრატეგიის პრიორიტეტების კიდევ ერთხელ მიმოხილვა და საგრანტო კონკურსის პირობების გაცნობა. ინფორმაციის ხელმისაწვდომობისა და ეფექტიანი გავრცელებისათვის დამატებით გამოყენებული იქნება შემდეგი საშუალებები:

1. წალკის ადგილობრივი განვითარების ჯგუფის ოფიციალურ ვებგვერდზე და ფეისბუქ გვერდზე განთავსდება საგრანტო კონკურსის შესახებ ინფორმაცია და „წალკის მუნიციპალიტეტის ადგილობრივი განვითარების სტრატეგია“;
2. საზოგადოებრივი შეკრების ადგილებში და საზოგადოებრივ ტრანსპორტში გავრცელდება საინფორმაციო ლიფლეტები.

საგრანტო კონკურსთან დაკავშირებულ საკითხებზე დეტალური ინფორმაციის მიღების მიზნით, მათ შორის, საგრანტო განაცხადის ფორმების შევსების და წარდგენის პროცედურებზე, ჩატარდება კონსულტაციები დისტანციურად. შესაბამისი სახელმძღვანელო დოკუმენტები და ფორმები გამოქვეყნდება LAG-ის ვებგვერდზე - www.tsalkalag.ge

3. კონკურსში მონაწილეობა

3. 1 საგრანტო კონკურსში მონაწილეობის უფლება აქვს შემდეგ სუბიექტებს:

1. საქართველოს ან/და უცხო ქვეყნის სრულწლოვან მოქალაქეებს;
2. საქართველოში რეგისტრირებული იურიდიულ პირებს;
3. რეგისტრირებული სტატუსის მქონე სასოფლო კოოპერატივებს;
4. არასამეწარმეო (არაკომერციული) იურიდიული პირებს (არასამთავრობო ორგანიზაცია, ასოციაცია, ფონდი და ა.შ.);
5. წალკის მუნიციპალიტეტის თვითმმართველობის საჯარო სამართლის იურიდიულ პირებს;
6. წალკის მუნიციპალიტეტში არსებული კულტურულ-საგანმანათლებლო ორგანიზაციებს
7. საინიციატივო ჯგუფებს.



3.2 კონკურსში მონაწილეობის უფლება არ აქვს:

1. პოლიტიკურ პარტიებს;
2. რელიგიურ ორგანიზაციებს;
3. ფინანსურ ინსტიტუტებს (ბანკი; მიკროსაფინანსო ინსტიტუტი, ლომბარდი და ა.შ.);
4. ორგანიზაციებს, კავშირებს, გაერთიანებებს, საინიციატივო ჯგუფებს და ა.შ., რომლებიც სქესის, რელიგიური შეხედულებების, ეთნიკური წარმომავლობის და სექსუალური ორიენტაციის საფუძველზე ახდენენ ფიზიკური პირების ან/და კონკრეტული ჯგუფების დისკრიმინაციას.

3.3 გარდა ზემოაღნიშნულისა, კონკურსში მონაწილეობა არ განიხილება აპლიკანტებისათვის, რომლებსაც:

- შემოთავაზებული ობიექტი (მიწა, შენობა-ნაგებობა და სხვ.), სადაც დაგეგმილია პროექტის განხორციელება დატვირთულია იპოთეკით, გირავნობით, ყადაღით.
- გრანტით განსახორციელებელი ობიექტი (მიწა, შენობა-ნაგებობა და სხვ.) არ არის აპლიკანტის საკუთრებაში ან არ სარგებლობს გრძელვადიანი იჯარის ხელშეკრულებით აღნიშნულ ობიექტზე (მინიმუმ, 10 წელი). იჯარის ნაწილში, კონკრეტული პროექტის დაფინანსების საკითხი გადაწყდება ინდივიდუალური მიდგომით, დასაფინანსებელი პროექტის შინაარსიდან, მასშტაბიდან და ბიუჯეტიდან გამომდინარე.

3.4 დამატებითი კრიტერიუმები

- სასოფლო-სამეურნეო პროექტების შემთხვევაში პრიორიტეტი მიენიჭებათ პროექტებს, რომლებიც მიმართული იქნება სოფლის მეურნეობის მეორადი წარმოების განვითარებასა და ღირებულებითა ჯაჭვის შექმნაზე;
- ტურიზმის მიმართულების პროექტების შემთხვევაში, პრიორიტეტი მიენიჭება პროექტებს, რომელიც პოტენციურ მომხმარებელს სთავაზობს განსხვავებულ სერვისებს და ე.წ. all inclusive პაკეტს, ვიდრე ერთეული სერვისი;
- ტურიზმის მიმართულების პროექტების შემთხვევაში, პრიორიტეტი მიენიჭება ეთნო, აგრო და სამთო ტურიზმს, ავთენტურობის დაცვას და ა.შ.;
- პრიორიტეტი მიენიჭება პროექტებს, რომელიც წარმოდგენილი იქნება ქალთა საინიციატივო ჯგუფის მიერ და მიზნად დაისახავს ქალთა ჯგუფების გაძლიერებას და მათ სოციალურ-ეკონომიკურ მდგრადობას;
- პრიორიტეტი მიენიჭებათ ინოვაციურ და განსაკუთრებულ პროექტებს, მაგალითად როგორცაა ენერჯო-ეფექტიანობა, გარემოს დაცვა, ცირკულარული და მწვანე ეკონომიკა და სხვა კომპონენტები.

4. საგრანტო დაფინანსების შესაძლებლობა და ოდენობა

კონკურსის შედეგად საგრანტო განაცხადების თანხობრივი მხარდაჭერა გამოყენებული იქნება ორი მიმართულებით: (1) კომერციული და (2) სოციალური / საგანმანათლებლო პროექტების მხარდასაჭერად.



დაფინანსების მინიმალური ოდენობა შეადგენს 1,000 ლარს, ხოლო მაქსიმალური - 180,000 ლარს. განმცხადებლებს მოეთხოვებათ ფულადი თანამონაწილეობა და თანამონაწილეობის მოცულობა დამოკიდებული იქნება განმცხადებლის პროექტის სპეციფიკასა და გრანტის მოცულობაზე შემდეგნაირად:

დაფინანსების ოდენობა კომერციული, მხოლოდ უკვე არსებული (რეგისტრირებული სულ მცირე აღნიშნულ გრანტამდე 6 თვით ადრე) პროექტებისათვის:

- 1,000-დან 15,000 ლარამდე, დონორიდან მოთხოვნილი თანხის მინიმუმ 15% თანადაფინანსებით.
- 15,000-დან 30,000 ლარამდე, დონორიდან მოთხოვნილი თანხის მინიმუმ 20% თანადაფინანსებით.
- 30,000-დან 80,000 ლარამდე დონორიდან მოთხოვნილი თანხის მინიმუმ 25% თანადაფინანსებით.
- 80,000-დან 170,000 ლარამდე დონორიდან მოთხოვნილი თანხის მინიმუმ 30% თანადაფინანსებით.
- 170,000-დან 225,000 ლარამდე დონორიდან მოთხოვნილი თანხის მინიმუმ 40% თანადაფინანსებით.

დაფინანსების ოდენობა კომერციული, მხოლოდ ე.წ. "start up"/დამწყები (ე.წ. სტარტაპად/დამწყებად ჩაითვლება კომერციული საქმიანობა, რომლის ავტორსაც არ აქვს არც ამ კონკრეტული მიმართულების და არც სხვა, გრანტისგან დამოუკიდებელი ბიზნეს საქმიანობის გამოცდილება) პროექტებისათვის:

- 1,000-დან 30,000 ლარამდე, დონორიდან მოთხოვნილი თანხის მინიმუმ 10% თანადაფინანსებით.
- 30,000-დან 170,000 ლარამდე დონორიდან მოთხოვნილი თანხის მინიმუმ 15% თანადაფინანსებით.
- 170,000-დან 225,000 ლარამდე დონორიდან მოთხოვნილი თანხის მინიმუმ 20% თანადაფინანსებით.

განმცხადებელმა პროექტში მითითებული ობიექტისათვის უნდა წარმოადგინოს საკუთრების უფლების რეგისტრაციის დოკუმენტი ან გრძელვადიანი იჯარის (მინიმუმ, 10 წელი) ხელშეკრულება საპროექტო განაცხადთან ერთად დანართის სახით.

თუ აღნიშნული დოკუმენტების წარმოდგენა საპროექტო იდეებისა და განაცხადების მიღების ეტაპზე ვერ ხერხდება, მაშინ, პროექტის დამტკიცების შემთხვევაში, განმცხადებელი ვალდებულია, აღნიშნული დოკუმენტები წარმოადგინოს კომისიის მიერ საბოლოო გადაწყვეტილების მიღებიდან 10 სამუშაო დღის ვადაში.

საგრანტო დაფინანსების ოდენობა სოციალური პროექტებისათვის:

- კულტურული, საგანმანათლებლო, და სხვა სოციალური პროექტები, რომლებიც განხორციელდება არაკომერციული (არასამეწარმეო) იურიდიული პირის, კულტურულ/საგანმანათლებლო დაწესებულების და საინიციატივო ჯგუფების მიერ:
 - 1,000-დან 40,000 ლარამდე, პროექტის საერთო ბიუჯეტის მინიმუმ 10% თანადაფინანსებით.



- 40,000-დან 60,000 ლარამდე პროექტის საერთო ბიუჯეტის მინიმუმ 15% თანადაფინანსებით.
- ადგილობრივი თვითმმართველობის ორგანოები, სახელმწიფო სსიპ-ები, სახელმწიფო შპს-ები - პროექტის საერთო ბიუჯეტის მინიმუმ 40% თანადაფინანსებით.
- წალკის მუნიციპალიტეტში არსებულ საჯარო სკოლებისა და ბაგა-ბალების პროექტებისათვის - საერთო ბიუჯეტის მინიმუმ 10% თანადაფინანსებით.

თანადაფინანსებად ჩაითვლება მხოლოდ თანხობრივი მონაწილეობა. დამატებითი პირობები:

- ბენეფიციარმა თანხა უნდა განათავსოს გრანტის განხორციელებისთვის შექმნილ სპეციალურ ანგარიშზე. მოცემული ანგარიშიდან თანხების ხარჯვა მოხდება გამარჯვებული საგრანტო პროექტით დადგენილი ბიუჯეტის შესაბამისად.

დონორი ორგანიზაცია იტოვებს უფლებას გამარჯვებული პროექტების განხორციელების ეტაპზე, ხარჯთ-ეფექტურობის მაქსიმიზაციის და ოპტიმიზაციის მიზნით შეისყიდოს და გადასცეს ძირითადი საშუალებები (ასეთის არსებობის შემთხვევაში) ბენეფიციარს.

საგრანტო რესურსით არ ფინანსდება შემდეგი:

1. ხელფასები (გამონაკლის შემთხვევაში, შესაძლოა, დაფინანსდეს ექსპერტის/სპეციალისტის ჰონორარი);
2. მსხვილფეხა და წვრილფეხა რქოსანი პირუტყვის, შინაური ფრინველების, ფუტკრის ოჯახების შეძენა;
3. სოფლის მეურნეობის ტექნიკა-დანადგარები (ტრაქტორი, მისაბმელი და მისთ.);
4. ტურისტული განთავსების ობიექტების შემთხვევაში, საცხოვრებელი სახლები ან ისეთი ე.წ. საოჯახო სასტუმროები, სადაც განთავსდება 4 ნომერზე ნაკლები;
5. უძრავი ქონების შეძენა;
6. ავტომობილი, მიკროავტობუსი, ავტობუსი და სხვ. (გარდა სპეციფიური სატრანსპორტო საშუალებისა, რომელიც არის გარემოსთან მეგობრული და ინოვაციური კონკრეტული პროექტის კონტექსტში);
7. სემინარებში, სამუშაო შეხვედრებში და კონფერენციებში ინდივიდუალური მონაწილეობა;
8. კვლევების ან ტრენინგების ინდივიდუალური დაფინანსება გარდა იმ შემთხვევებისა, როდესაც ის წარმოადგენს ძირითადი საქმიანობის შემადგენელ კომპონენტს;
9. აკადემიური და სამეცნიერო კვლევები;
10. სასწავლო/სამეცნიერო გრანტები;
11. ჰუმანიტარული აქციები და საქმიანობა;
12. ვალები და მომავალი შესაძლო ზარალისათვის გათვალისწინებული ხარჯები;



13. გადასახდელი პროცენტები, საურავები, ჯარიმები;
14. ზარალი, გამოწვეული სავალუტო კონვერტაციის შედეგად;
15. მესამე მხარისათვის გაცემული სესხები;
16. სადაზღვევო ხარჯები;
17. მეორადი ტექნიკა, დანადგარები, მასალები და ა.შ.
18. საქართველოს მოქმედი კანონმდებლობით აკრძალული საქმიანობები.

5. კონკურსის ეტაპები, ვადები და განაცხადების შერჩევა/შეფასება

საგრანტო კონკურსი შედგება შემდეგი ეტაპებისგან:

I ეტაპი - სრული განაცხადის წარდგენა

II ეტაპი - მონიტორინგი და გასაუბრება

III ეტაპი - საგრანტო განაცხადის დამტკიცება/კონტრაქტის გაფორმება.

განაცხადების წარმოდგენა შესაძლებელია მხოლოდ ქართულ ენაზე. განაცხადზე თანდართულ უცხოენოვან დოკუმენტაციას უნდა ახლდეს ნოტარიულად დამოწმებული ქართული თარგმანი.



I ეტაპი - სრული განაცხადის წარდგენა

სრული განაცხადის წარდგენა უნდა მოხდეს ელექტრონული ფორმით:

- ელექტრონულად განაცხადის წარდგენა შესაძლებელია წალკის ადგილობრივი განვითარების ჯგუფის (LAG) ელ. ფოსტაზე: grants@tsalkalag.ge

* ელ. ფოსტაზე განაცხადის პაკეტის წარდგენისას აუცილებელია განმცხადებელმა თემის ველში მიუთითოს „საგრანტო კონკურსი 2021 – III ეტაპი“

** ელ. ფოსტის მეშვეობით განაცხადის პაკეტის წარმოდგენა შესაძლებელია მხოლოდ ერთი მეილით.

*** ელექტრონული ფორმით განაცხადები მიიღება ხელმოწერილი.

**** ელ. ფორმით განაცხადის წარდგენის შემთხვევაში, განმცხადებელი ლეზულობს განაცხადის წარდგენის დასტურს საპასუხო მეილით.

განაცხადის ფორმების შევსებასა და წარდგენასთან დაკავშირებულ ტექნიკურ საკითხებზე დაინტერესებულ პირებს კონსულტაციები გაეწევათ განაცხადის წარდგენის ვადის ამოწურვამდე წალკის ადგილობრივი განვითარების ჯგუფის მიერ დისტანციურად.

საგრანტო განაცხადის ფორმები და საგრანტო სახელმძღვანელო დოკუმენტი განთავსდება წალკის ადგილობრივი განვითარების ჯგუფის (LAG) ოფიციალურ ვებ. გვერდზე www.tsalkalag.ge

განაცხადის წარდგენის ბოლო ვადაა 2021 წლის 27 მაისი, 18:00 საათი.

* ვადაგადაცილებით წარმოდგენილი ან/და ხელით შევსებული საპროექტო იდეები არ მიიღება.

** ამასთან, სრული განაცხადების განხილვის პროცესში, საჭიროებიდან და პროექტის სპეციფიკაციიდან გამომდინარე, შესაძლებელია მოწვეული იყვნენ სხვადასხვა დარგის ექსპერტები, მათ უკუკავშირსა და რეკომენდაციების გაითვალისწინებს საგრანტო კომისია საბოლოო გადაწყვეტილების მიღების პროცესში.

*** პროექტები კომისიის მიერ შეფასდება წინასწარ დადგენილი და შეთანხმებული კრიტერიუმების მიხედვით.

II ეტაპი - მონიტორინგი და გასაუბრება



პირველი ეტაპის დასრულების შემდეგ, მეორე ეტაპზე გადასულ აპლიკანტებთან შეთანხმებით, დაიგეგმება და განხორციელდება პოტენციური დასაფინანსებელი პროექტების ადგილზე მონიტორინგი და პოტენციურ აპლიკანტებთან გასაუბრება.

პროექტები კომისიის მიერ შეფასდება წინასწარ დადგენილი და შეთანხმებული კრიტერიუმების მიხედვით.

III ეტაპი - საგრანტო განაცხადის დამტკიცება/კონტრაქტის გაფორმება

გამარჯვებულ პროექტებთან მოხდება კონტრაქტის გაფორმება და პროექტების განხორციელება.

6. განაცხადების ფინანსურ-ადმინისტრაციული შემოწმება, შეფასების და შერჩევის პროცესი

განაცხადების ფინანსურ-ადმინისტრაციულ შემოწმებას, შერჩევასა და შეფასებას ახდენს საგრანტო კომისია, რომელიც დაკომლევებული იქნება CENN-ის, GFA-ის, წალკის LAG-ის მმართველი საბჭოს წარმომადგენლებით, ერთობლივად. რიც შემთხვევებში, შესაძლებელია მონვეული იყვნენ გარე ექსპერტები.

a. ფინანსურ-ადმინისტრაციული შემოწმება

საგრანტო განაცხადი, მისი შერჩევისა და შეფასების პროცესის დაწყებამდე გაივლის ფინანსურ-ადმინისტრაციულ შემოწმებას (წარმოდგენის ვადა, განაცხადის ფორმა, განმცხადებლის რეკვიზიტები, დანართების სიზუსტე, ბიუჯეტის რელევანტურობა და ა.შ.).

ფინანსურ-ადმინისტრაციული შემოწმების ეტაპზე აღმოჩენილი ხარვეზის(ების) არსებობის შემთხვევაში, განმცხადებელს ხარვეზების აღმოსაფხვრელად კომისია განუსაზღვრავს გონივრულ ვადას. გონივრული ვადის გასვლის შემდგომ, თუ ხარვეზი არ აღმოიფხვრა საგრანტო განაცხადი მოიხსნება კონკურსიდან.

b. შეფასება-შერჩევის პროცესი

საგრანტო განაცხადის წარდგენის ვადის ამოწურვისთანავე საგრანტო კომისია იწყებს საგრანტო განაცხადების შეფასებისა და შერჩევის პროცესს.

საგრანტო განაცხადების შეფასება ხორციელდება საგრანტო კომისიის წევრების მიერ ინდივიდუალურად, წალკის LAG-ის მმართველი საბჭოს მიერ დამტკიცებული ფორმით.

განაცხადის შეფასება განხორციელდება შემდეგი ძირითადი კრიტერიუმებით:

1. საგრანტო განაცხადით წარმოდგენილი იდეის კავშირი წალკის განვითარების სტრატეგიის პრიორიტეტულ მიმართულებებთან;
2. იდეის, პრობლემის აღწერა: რამდენად აქტუალურია წარმოდგენილი იდეა/პრობლემა მიზნობრივი ადგილმდებარეობისთვის;



3. პროექტი უნდა განხორციელდეს წალკის მუნიციპალიტეტის ადმინისტრაციულ საზღვრებში;
4. განმცხადებლის სტატუსი - განმცხადებლის სტატუსი უნდა შეესაბამებოდეს კონკურსში მონაწილეობის უფლების მექონე სუბიექტების სტატუსს;
5. განმცხადებლის ცოდნა ან/და გამოცდილება წარმოდგენილი პროექტის განხორციელებასთან დაკავშირებით;
6. ხელშემწყობი წინაპირობები, პროექტის განხორციელებასთან დაკავშირებული გარემო ფაქტორები და რესურსები (ადამიანური, ტექნიკური და ა.შ.);
7. პროექტის განხორციელების მიდგომები: პროექტის განხორციელებისათვის დაგეგმილი აქტივობები;
8. პროექტის ფინანსური დაგეგმარება (ბიუჯეტი - ხარჯების რეალისტური გათვლა);
9. პროექტის განხორციელების რისკები და მათი შემცირების გზები;
10. მარკეტინგი (კონკურენცია, პროდუქციის/მომსახურების სარეალიზაციო გარემო, მომხმარებლები, სტრატეგია);
11. პროექტის განხორციელების გეგმა-გრაფიკი: პროექტის განხორციელების ვადა არ უნდა აღემატებოდეს 9 თვეს.
12. პროექტის განხორციელებით მიღებული შედეგები;
13. პროექტის მდგრადობა / სიცოცხლისუნარიანობა;
14. დასაქმება;
15. სხვა წინასწარ დადგენილი კრიტერიუმები.

შენიშვნა 1: კომერციული პროექტის განმცხადებელი შესაძლებელია იყოს ფიზიკური პირი ან პირთა ჯგუფი, თუმცა, პროექტის განხორციელებაზე კომისის მიერ დადებითი გადაწყვეტილების შემთხვევაში, განმცხადებელს მოეთხოვება იურიდიული პირის დაფუძნება.

შენიშვნა 2: პოტენციურმა ბენეფიციარებმა, თუ მათ აქვთ სოციალურად დაუცველის სტატუსი, უნდა გაითვალისწინონ, რომ გრანტის მიღების შემთხვევაში, შესაძლოა, სახელმწიფოს მხრიდან გადაიხედოს აღნიშნული სტატუსის კვლავ მინიჭების საკითხი.

ყველა ზემოთ ჩამოთვლილი კრიტერიუმების გათვალისწინებით, შერჩევის შედეგები ეცნობება განმცხადებლებს როგორც დადებითი, ასევე უარყოფითი პასუხის შემთხვევაში. უარყოფითი პასუხის შემთხვევაში, წერილობითი მოთხოვნის საფუძველზე, განმცხადებელს მიეცემა წერილობითი პასუხი უარის თქმის მიზეზების შესახებ.

განაცხადის შეფასების პროცესში საგრანტო კომისია უფლებამოსილია, განაცხადში მოყვანილი გარემოებების გადამოწმების მიზნით მოთხოვოს განმცხადებელს დამატებითი ინფორმაციის წარმოდგენა ან/და განმარტებები კონკრეტულ საკითხზე, ასევე ფაქტებისა და გარემოებების ადგილზე გადამოწმება. აღნიშნულ პროცესს კომისია ახორციელებს პროექტის მენეჯერის, LAG მენეჯერისა



და მონიტორინგის კომისიის მეშვეობით, რომელიც იქმნება წალკის LAG-ის მმართველი საბჭოს მიერ, მინიმუმ, 4 წევრის შემადგენლობით.

კონკრეტულ განაცხადზე კომისიის წევრების მიერ გაკეთებული ინდივიდუალური შეფასების ქულები ჯამდება და გამოითვლება საშუალო არითმეტიკული ციფრი, რაც წარმოადგენს კონკრეტული საგრანტო განაცხადის შეფასების საბოლოო ქულას.

7. განცხადებებისა და საჩივრების კომისია

საგრანტო კონკურსის ფარგლებში, საგრანტო პროცესთან დაკავშირებული განცხადებების და საჩივრების განხილვის მიზნით, წალკის LAG-ის მმართველი საბჭოს მიერ შექმნილია განცხადებებისა და საჩივრების კომისია.

განცხადებებისა და საჩივრების კომისია, თავისი კომპეტენციის ფარგლებში, განცხადების ან საჩივრის დარეგისტრირებიდან 10 (ათი) სამუშაო დღის ვადაში შეისწავლის საჩივარში არსებულ გარემოებებს და თავისი გადაწყვეტილების შესახებ, შემდგომი რეაგირებისათვის წერილობით აცნობებს წალკის LAG-ის მმართველი საბჭოს თავმჯდომარეს. კომისიის მისამართი: ქ. წალკა, კლდეკარის ქ. N5.

8. ინტერესთა კონფლიქტი, ხელშეკრულება და შესყიდვები

შერჩევის შემდეგ პროექტის განაცხადები საბოლოო განხილვისათვის წარედგინება CENN-ის პასუხისმგებელი პირს. იმ შემთხვევაში, თუ ამ ეტაპზე CENN აღმოაჩენს შეთანხმებული და აუცილებელი პროცედურებისგან რამე გადაცდომას ან ინტერესთა კონფლიქტს, ის უფლებამოსილია, შეაჩეროს გრანტის ხელშეკრულების ხელმოწერა. თუკი განაცხადი და მასთან არსებული ყველა წარმოდგენილი დოკუმენტები სრულ წესრიგშია, წარმატებული განმცხადებელი ხელს მოაწერს გრანტის ხელშეკრულებას CENN-თან. ხელშეკრულებაში დეტალურად იქნება განწერილი ორივე მხარის როლი და პასუხისმგებლობები პროექტის განხორციელებაში და დაფინანსებაზე, ასევე, შეთანხმების პირობებზე. გრანტის ხელშეკრულების ხელმოწერის შემდეგ განმცხადებელი და/ან მესამე პირი თანამონაწილეობით განსაზღვრულ თანხას - თანადაფინანსებას გადარიცხავს CENN-ის მიერ საგრანტო პროექტისათვის შექმნილ საბანკო ანგარიშზე, როგორც აღწერილია თანადაფინანსების განხილვაში ზემოთ, ამ თანადაფინანსების სახსრები საგრანტო ფონდთან ერთად გამოყენებული იქნება განმცხადებლის ბიუჯეტში ჩამოთვლილი ნივთების შესასყიდად და/ან მომსახურების გასაწევად. ყველა შესყიდვა განხორციელდება განმცხადებლის სახელით შესაბამისი შესყიდვის პროცედურების წესების დაცვით, რომელიც წინასწარ იქნება შეთანხმებული. პროექტის დასრულებისას, ყველა აქტივი გადაეცემა განმცხადებელს, რომელიც პასუხისმგებელი იქნება მათ შემდგომ გამოყენებასა და მოვლა-პატრონობაზე.

9. მონიტორინგი, განხილვა და შეფასება

პროექტის მიმდინარეობისას ყველა სამართლებრივი და ფინანსური დოკუმენტი ხელმისაწვდომი უნდა იყოს შემომწმებლისთვის პროექტის განხორციელებისა და მონიტორინგის დროს. ზემოხსენებული დოკუმენტაცია არ გასაჯაროვდება, თუ მასში არ შედის კანონითა და საგრანტო ხელშეკრულებით გათვალისწინებული



დარღვევები. პირდაპირი ბენეფიციარი ანარმოებს და წარმოადგენს რეგულარულ საბუღალტრო ანგარიშგებას, ახორციელებს ყველა საგადასახადო მოთხოვნას საქართველოს კანონმდებლობის შესაბამისად. აღნიშნული დოკუმენტაცია ხელმისაწვდომი იქნება მონიტორინგის გუნდისათვის 3 წლის განმავლობაში. პროგრამის ფარგლებში მხარდაჭერილი პროექტები უნდა დარჩეს მოქმედი და ემსახურებოდეს დასახულ მიზნებს განმცხადებლის მიერ შეთანხმებული პერიოდის განმავლობაში. პირდაპირი ბენეფიციარები უნდა შეესაბამებოდნენ ევროკავშირის ENPARD-ის მიზნებსა და პრიორიტეტებს და მათ უნდა უზრუნველყონ ევროკავშირის დაფინანსების ხილვადობა გამოცდილების გაზიარების მიზნით, ხელმოწერის დღიდან მომდევნო სამი (3) წლის განმავლობაში, CENN-სა და წალკის LAG-ის თხოვნის საფუძველზე, ბენეფიციარმა უნდა უზრუნველყოს საგრანტო პროექტის ჩვენება ყველა დაინტერესებული მხარისთვის.